



Broj: 07-45-2228-1/25
Sarajevo, 05.06.2025. god.

Na osnovu člana 20. Zakona o državnoj službi u Kantonu Sarajevo ("Službene novine Kantona Sarajevo", broj: 31/16), člana 18. stav (1) i člana 25. Zakona o javnim nabavkama („Službeni glasnik BiH“ br. 39/14, 59/22 i 50/24), Plana javnih nabavki Zavoda za planiranje razvoja Kantona Sarajevo za 2025. godinu, broj: 07-45-1458/25 od 16.04.2025. godine, a u vezi sa Zahtjevom za pokretanje postupka javne nabavke, broj: 07-45-2228/25 od 04.06.2025. godine, direktor Zavoda za planiranje razvoja Kantona Sarajevo, donosi

O D L U K U

o pokretanju postupka javne nabavke usluge:

Novelacija studije „Stabilnost terena Kantona Sarajevo“ II faza, za potrebe izrade Prostornog plana Kantona Sarajevo putem otvorenog postupka provođenjem e-Aukcije

Član 1.

Odobrava se, shodno članu 18. stav (1) i članu 25. Zakona o javnim nabavkama, pokretanje postupka javne nabavke usluge: Novelacija studije „Stabilnost terena Kantona Sarajevo“ II faza, za potrebe izrade Prostornog plana Kantona Sarajevo, putem otvorenog postupka.

- CPV kod: 71000000-8 Arhitektonske, građevinske, tehničke i inspekcijske usluge
- Ekonomski kod 613900 u Budžetu Zavoda za planiranje razvoja Kantona Sarajevo za 2025. godinu.
- Ukupna procijenjena vrijednost javne nabavke bez PDV-a (17%) cca 85.000,00 KM.
- Predmet nabavke nije djeljiv na lotove.

Član 2.

Javnu nabavku usluge iz člana 1. ove Odluke i izbor najpovoljnijeg ponuđača izvršit će Komisija za javne nabavke, na osnovu najniže cijene tehnički zadovoljavajuće ponude u skladu sa članom 64. stav (1), tačka b) Zakona o javnim nabavkama („Službeni glasnik Bosne i Hercegovine“ br. 39/14, 59/22 i 50/24). Predviđena je e-Aukcija.

Član 3.

Za provođenje ove Odluke zadužuje se Komisija za javne nabavke.

Član 4.

Ova Odluka stupa na snagu danom donošenja.

Obrazloženje

U postupku rješavanja Zahtjeva za pokretanje postupka nabavke usluge: Novelacija studije „Stabilnost terena Kantona Sarajevo“ II faza, broj: 07-45-2228/25 od 04.06.2025. godine, utvrđeno je da je isti osnovan i da sadrži sve potrebne elemente za odlučivanje.

Pri donošenju ove odluke, direktor Zavoda se posebno rukovodio činjenicom da je nabavka neophodna, te da su ispunjeni svi uslovi za pokretanje iste.

Predmetna nabavka je sastavni dio Plana nabavki za 2025. godinu (tačka 2.1 Plana nabavki), te se odnosi na nabavku usluge: Novelacija studije „Stabilnost terena Kantona Sarajevo“ II faza za potrebe izrade Prostornog plana Kantona Sarajevo.

Novelacija studije se radi za potrebe izrade Prostornog plana Kantona Sarajevo 2024-2044, Urbanističkih i Regulacionih planova u Kantonu Sarajevo.

Cilj ovog projekta je da se dobije novelirana cjelovita informacija o lokacijama klizišta, podložnost terena klizanju, kategorijama stabilnosti terena, pogodnosti terena za gradnju objekata, seizmotektonske karakteristike terena, kriznim prostorima sa aspekta prostornog planiranja, uslovima planiranja i izgradnje na pojedinim kategorijama terena i na kraju digitalnu grafičku i pisanu bazu podataka u GIS okruženju.

GIS (Geografski Informacijski Sistem) je tehnologija koja u oblasti geologije daje veće mogućnosti istraživanja klizišta, brži pristup informacijama, mogućnost obrade, analize, ažuriranja podataka, jedinstvena baza podataka koja bi bila dostupna ekspertima, organima lokalne uprave i građanima.

Efekti izrade ove Studije bi bili: sprečavanje bespravne gradnje, sanacija klizišta, jedinstvena baza podataka o klizištima, zaštita okoliša, adekvatno planiranje u slučajevima prirodnih nepogoda (zemljotresi, poplave, požari, klizišta).

Komisija za javne nabavke formirat će se od zaposlenika Zavoda za planiranje razvoja Kantona Sarajevo odgovarajuće struke, a ista će, shodno Zakonu o javnim nabavkama i podzakonskim aktima, učestvovati u pripremi tenderske dokumentacije, te izvršiti ocjenu ponuda i izbor najpovoljnijeg ponuđača.

Iz navedenih razloga donosi se odluka kao u dispozitivu.



Direktor

Prilog:

- Zahtjev za pokretanje nabavke br.: 07-45-2228/25 od 04.06.2025. godine

Dostavljeno:

- Služba za javne nabavke,
- Služba za pravne i računovodstvene poslove,
- Arhiva.